

instar ænei serpentis exaltando, ut salvetur mundus, &c. Joan. 3. vers. 1...21.

*I. C. à Ierosolymis egressus, per Judæam peregrinatur, & baptizat.*

XXV. Post hæc venit Jesus, & discipuli ejus in terram Judæam, & illic demorabatur cum eis, & baptisabat: erat autem & Johannes baptisans in Ennon juxta Salim: nondum enim missus fuerat in carcerem: & Joannes, discipulis suis, de Christo quod etiam baptisaret, murmurantibus, Christum laudat, filiumque Dei vocat; ipsique credendum, quod Pater omnia dederit in manu ejus. Joan. 3. vers. 22...36.

*I. C. è Judæa per Samariam transit, ubi cum muliere Samaritana loquitur, & se Messiam aperit, multosque Evangelium docet.*

XXVI. Cum audisset Jesus, quod Joannes traditus esset. Matth. 4. vers. 12. Marc. 1. vers. 14. cognovitque, quia audierunt Pharisei, quod Jesus plures discipulos facit, & baptisat, quam Joannes; quamquam Jesus non baptisaret, sed discipuli ejus, reliquit Judæam, & abiit in Galilæam: oportebat autem eum transire per Samariam: venit ergo in civitatem Samariæ, quæ dicitur Sichar, juxta prædium, quod dedit Jacob Joseph filio suo: & erat ibi fons Jacob. Jesus fatigatus ex itinere, sedebat supra fontem. Venit mulier de Samaria haurire aquam; dicit ei Jesus. Da mihi bibere. (Discipuli abierant in civitatem, ut cibos emerent) dicit ei mulier Samaritana, &c. Joan. 4. vers. 1...9. hic Jesus cum muliere Samaritana loquitur de aqua viva, de adorando Deo in Spiritu, & veritate, & tandem se esse Messiam aperit. Redeuntibus discipulis, & rogantibus ut manducaret: Cibus (inquit Jesus) habeo manducare, quem vos nescitis. Meus cibus est, ut faciam voluntatem ejus, qui misit me (Patris) ut perficiam opus. (redemptionem & salutem peccatorum) Multis autem Samaritanis innotescens, (mulier etenim Samaritana in civitatem abierat, seque cum Propheta sive Messia allocutam fuisse dixerat, iisque in Jesum credentibus, & Salvatore mundi confitentibus, mansit ibi per duos dies. Joan. 4. vers. 9...42.

*I. C. redit in Galilæam.*

XXVII. Post duos dies exiit à Samaria, & abiit in Galilæam. Et exceperunt eum Galilæi, cum omnia vidissent, quæ fecerat Ierosolymis, in die Festo: Joann. 4. vers. 43. 45.

*I. C. venit in Cana Galilææ, ubi Reguli Filium absentem verbo sanat.*

XXVIII. Venit iterum in Cana Galilææ, ubi fecit aquam vinum: & erat quidam Regulus, cujus Filius infirmabatur Capharnaum. Hic cum audisset quod Jesus adveniret à Judæa in Galilæam, abiit ad eum; & rogabat eum, ut descenderet in domum suam, & sanaret filium, incipiebat enim mori. Dicit ei Jesus: Vade, filius tuus vivit. Credidit homo

sermoni, quem dixit ei Jesus, & cognovit pater, quia reliquit filium febris, illa hora, in qua dixit ei Jesus, Filius vivit: & credidit ipse, & domus ejus tota. Joan. 4. vers. 46...53.

*I. C. in Nazareth malè à concivibus acceptus est.*

Et venit Nazareth, ubi erat nutritus, & XXXIX. intravit secundum consuetudinem suam die Sabbati, in Synagogam, & surrexit legere. Et traditus est illi liber Isaïæ Prophetæ, & ut revolvit librum, invenit locum ubi scriptum erat, Spiritus Domini super me. Eamque Isaïæ Prophetiam de se exponens, oculis & auribus civium primò in eum intendentibus, & postea irâ excandescens, extra civitatem ejectus est, & ad supercilium montis ductus, ut præcipitaretur, per medios illorum transiit. Luc. 4. vers. 16...30.

*I. C. relicta Nazareth migrat Capharnaum & prædicat pœnitentiam.*

Et relicta civitate Nazareth, venit & habitavit in Capharnaum maritima, in finibus XXX. Zabulon & Nephtalim & cæpit Jesus prædicare, & dicere, Pœnitentiam agite: appropinquavit enim regnum cælorum. Itaque docebat eos Sabbatis, & stupebant in doctrina ejus, quia in potestate erat sermo ipsius, erat enim docens eos, quasi potestatem habens, non sicut Scribæ. ex Matth. 4. vers. 13...17. Marc. 1. vers. 21. 22. Luc. 4. vers. 31. 32.

*I. C. juxta mare Galilææ ambulans, Simonem, & Andream fratrem ejus; tum & Jacobum & Joannem fratrem ejus ad se vocat.*

Ambulans Jesus juxta mare Galilææ, vi- XXXI. dit duos fratres Simonem, qui vocatur Petrus, & Andream fratrem ejus mittentes rete in mare (erant enim piscatores) Et ait illis, Venite post me, & faciam vos piscatores hominum: at illi continuo relictis retibus secuti sunt eum. Et procedens pusillum vidit Jacobum Zebedæi, & Joannem fratrem ejus, in navi cum Zebedæo patre eorum, reficientes retia sua, & vocavit eos. Illi autem statim relictis retibus, & patre suo Zebedæo in navi cum mercenariis, secuti sunt eum. Matt. 4. vers. 18..22. Marc. 1. vers. 16...20.

*I. C. Galilæam omnem perambulans prædicat ubique, & varios curat morbos.*

Et circuibat Jesus totam Galilæam, do- XXXII. cens in Synagogis eorum, & prædicans Evangelium regni, & sanans omnem languorem, & omnem infirmitatem in populo. Et abiit opinio ejus in totam Syriam, & obtulerunt ei omnes malè habentes variis languoribus, & tormentis comprehensos: & qui dæmonia habebant, & Lunaticos, & Paraliticos, & curavit eos: & secutæ sunt eum turbæ multæ de Galilæa, & Decapoli, & Ierosolymis, & de Iudæa, & de trans-Jordanem. Matth. 4. v. 23..25.

*I. C.*